

在家律要廣集

佛陀教育基金會 印贈

中華民國八十一年六月恭印一千冊

在家律要廣集

發行人：孔服農

出版者：財團法人佛陀教育基金會

地址：台北市杭州南路一段五五號一一樓

電話：（〇二）三九五一一九八

贈送處：

● 佛陀教育基金會附屬華藏講堂

台北市杭州南路一段五五號三樓

電話：（〇二）三九五一一九八

（贈送品・歡迎翻印・功德無量）

行政院新聞局出版事業登記證局版臺業字第三八六九號

普為出資及讀誦受持
輾轉流通者回向偈曰

願以此功德 消除宿現業
增長諸福慧 圓成勝善根
所有刀兵劫 及與饑饉等
悉皆盡滅除 人各習禮讓
讀誦受持人 輾轉流通者
現眷咸安樂 先亡獲超昇
風雨常調順 人民悉康寧
法界諸含識 同證無上道

敬請常念

南無阿彌陀佛・求生淨土

敬請常念

南無觀世音菩薩・消災降福

在家律要廣集敘

嘉慶丁丑由白下買舟詣廣陵謁性海大師於高旻。溫厚質直德慧具足歎爲當代善知識乃歸依座下。蒙開示淨業之要尤諄諄以戒律相勉嘗語予學佛以戒爲始基志求佛法而不稟受佛戒猶處門外也更何望升堂而入室。嗣予爲業緣所牽涉洞庭登南嶽復由湖湘下九江訪東林遺跡素耳浙中爲法道所萃因便至杭旣至不謬所聞遂止焉越五年辛巳修行稍稍進步思欲稟受五戒以副性老人囑語旣又思受戒者當先明戒相與夫作止持犯之義今日

諸方授受都只敷衍儀文未聞委明實義初發心之士於律藏望洋向若知何者爲切要之部而肄業及之又律文奧衍律意深微且不能以句讀矧能達其旨趣卽欲詢之知識晨星落落又烏從而詢之此見末法講律之難也而在家爲尤難資生艱難旣不能如出家兒三年五年廣閱教典妻子眷屬之累復不能如參方人千里百里單丁遠行勢必抱其殘闕守其固陋以沒世耳豈不重可惜哉曩曾聞明藕益大師有在家律要箋釋之刻年久板朽傳本寥寥竊作是念自欲受戒而苦其慵推之於人亦當然何弗卽

吾世竭吾才尋取舊章以爲依據重訂一善本以行
旣以自利亦以利後之有志於此者用是畱心咨訪
冀獲原集年餘值迴龍源洪上人與武林錢伊菴居
士各檢得集中數種授予校之原目尙缺受戒品一
種又年餘致書越郡戒珠禪遠法師轉求得之而原
集始全嗚呼求法如此其難守法者宜何如寶貴矣
唯是集所載猶屬簡略因勉成予重訂之始願而增
廣之首錄四分律藏一節以著歸戒之始次錄厭離
功德一經以要歸戒之終他如護身呪經免惡道經
所以備勸發歸戒之用無我義經心地觀經所以示

大乘了義之談。匯入原集。在家持律之要。可云粗備。
後復增威儀梵網二經者。威儀詳持守之科條。梵網
爲菩薩之行履。今旣委質於佛法中。卽不應以拘墟
苟簡之見。自安於小乘之域。至於梵網一懺。則以末
世眾生障深慧淺。易犯難持。有此一法。庶不終棄。錄
成質之源。洪上人以爲可行。并爲募梓以行。足徵其
愛法之誠云。道光乙酉正月元日。優婆塞眞益陳熙
願復齋氏謹記。

在家律要廣集敘

在家律要者。靈峯滿益大師之所集也。大師以慈愍故。既集釋予切要之律。貽惠後學。復念在家二眾。遵循有志。而尋討維艱。乃更集在家律要。并各箋注。俾奉持者。依文解義。依義攝心。其法施之惠。亦溥矣。夫律文浩瀚。律義深微。卽吾釋子。敬奉毗尼。畱心講習。尙難得一善本。體究行持。況於在家。以初發心之人。爲素所未習之事乎。是此書誠爲不可少者。惜年久板朽。傳本絕少。故今之近事。不惟止作持犯之義。少有精解。卽問伊何爲歸戒。何爲開遮。亦茫無以應。眞

益陳君有慨於此。欲因原集增益重梓。以商於予。予
 亟懲愚之越數月。君以廣集命予校訂。見其無義不
 收。無法不備。而倫次之間。具有道理。始於四分。歸戒
 之從來。訖於梵網。重輕之歸宿。其中受三歸五戒。略
 示儀則。厭離功德經。引入勝義護身經。十善業道經。
 戒消災經。俱以護助獎勸。明其利益。五戒相經。委明
 五戒故誤之相。八關齋戒。重申敬時加持之典。以上
 諸戒根本律儀。似週次入大乘菩薩妙戒。若心地觀
 經。無我義經。先以菩提心戒爲其戒體。受戒品威儀
 經。繼以種種戒相。示其科條。至於梵網之後。并附懺

儀則以末法眾生障深慧淺難持易犯有此一法使
缺者復全失者復得庶幾不甘廢棄之人得其自新
之路亦不可少也是集也一一佛祖金科玉律陳君
固未嘗措一詞卽予亦何容贅一語唯其搜羅之際
行布之次將陳君微意揭示於此今而後受在家戒
者人奉一編以時究心卽吾釋子亦宜案置以備問
難洵可謂七眾同資三根普被矣因樂爲梓行并增
其題曰廣集時道光四年甲申仲冬彌陀誕日眞寂
苾芻儀潤源洪謹序。

Blank page with vertical lines.

在家律要廣集目錄

敘

卷一

四分律藏受戒犍度之二

優婆塞優婆夷三歸一段

一
四五

優婆塞受三歸五戒法彙釋

三歸五戒慈心厭離功德經

灌頂三歸五戒帶佩護身呪經

卷二

四七
七九

嗟鞭曩法天子受三歸依獲免惡道經

十善業道經

原集

佛說戒消災經 原集

卷三

八一〇一三四

佛說優婆塞五戒相經箋要 原集

卷四

一三五〇一七三

佛說齋經注節要 原集後復節要

受八關齋法釋

卷五

一七五〇二一四

大乘本生心地觀經觀心品發菩提心品成佛
品外道問聖大乘法無我義經

卷六

二一五〇二七二

優婆塞戒經受戒品箋要

原集

卷七

二七三—三一四

菩薩優婆塞五戒威儀經標目

卷八

三一五—三四八

梵網經疏注節要 十重

卷九

三四九—三八九

梵網經疏注節要 四十八輕二十戒

卷十

三九一—四三〇

梵網經疏注節要 四十八輕十九戒

卷十一

四三一—四八一

梵網經疏注節要 四十八輕九戒

卷十二

四八三～五二七

梵網經懺悔行法

五二九～五五八

在家律要廣集目錄

在家律要廣集卷第一

清優婆塞陳熙願廣集

四分律藏受戒健度之二

優婆塞優婆夷三歸一段

姚秦三藏佛陀耶舍共竺佛念譯

爾時世尊遊波羅奈國時波羅奈國有族姓子名耶輸伽父母止有此一子愍念瞻視不去目前父母與設三時殿春夏冬使其子常遊戲其中五欲娛樂時童子於五欲中極自娛樂已疲極眠睡眠睡覺已卽觀第一殿又見諸妓人所執樂器縱橫狼藉更相荷枕頭髮鬢亂卻臥鼾睡齟齬寐語見已恐怖身毛爲

豎卽生厭離意不欲與會此爲苦哉有何可貪卽捨
所居殿更詣中殿到彼觀其殿舍并妓人如前無異
倍生恐怖身毛爲豎卽生厭離不欲與會此爲苦哉
有何可貪卽捨去詣第三殿所見亦復如上倍生恐
怖身毛爲豎生厭離心不欲與會亦復如上卽還出
殿詣尸佉城門時尸佉門神遙見童子來見已便生
念此童子來必欲見如來更無餘道我當開門使去
卽與開門時童子出口佉城門已詣婆羅河側到已
於河岸上解金屐渡婆羅河詣仙人鹿苑所爾時世
尊在露處經行遙見童子來卽敷座而坐諸佛常法